

UNIVERZITET U TUZLI
Ul. Dr. Tihomila Markovića br. 1
Broj: 01-159-JN-8/23 LOT 3
Tuzla, 11.12.2023. godine

Na osnovu člana 69. stav (2) tačka d) i člana 70. stav (4) Zakona o javnim nabavkama BiH («Službeni glasnik BiH» broj: 39/14 i 59/22) te člana 64. stav (1) tačka r. Statuta JU Univerziteta u Tuzli - prečišćeni tekst, po punomoći Rektora Univerziteta u Tuzli broj: 01-6663-1/23 od 14.11.2023. godine, v.d. Direktor za ekonomske poslove *donio je*

ODLUKU o poništenju postupka javne nabavke

I

Poništava se Otvoreni postupak javne nabavke laboratorijske opreme: LOT 3 – Instrument za mikroklimatska mjerenja u cilju realizacije projekta 1FUTURE iz razloga što nijedna od primljenih ponuda nije prihvatljiva.

II

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, na Portalu javnih nabavki, a sažetak u Službenim novinama BiH.

Obrazloženje

Univerzitet u Tuzli pokrenuo je postupak javne nabavke laboratorijske opreme (projekat 1FUTURE) LOT 1 - LOT 3 za izbor najpovoljnijeg ponuđača za LOT 3 - – Instrument za mikroklimatska mjerenja u cilju realizacije projekta 1FUTURE, putem Otvorenog postupka javne nabavke broj: 01-159-JN-2/23 od 26.10.2023. godine, objavljenog na Portalu javnih nabavki obavještenje broj: 795-1-1-100-3-127/23 od 09.11.2023. godine, a sažetak u „Službenim novinama BiH” broj: 79/23 od 17.11.2023. godine i WEB stranici Univerziteta.

Komisija za javne nabavke je Zapisnikom o pregledu i ocjeni ponuda konstatovala da je u roku utvrđenom obavještenjem i tenderskom dokumentacijom dostavljena jedna (1) ponuda, i to ponuđača „NEXIS“ d.o.o. Sarajevo, te je izvršeno javno otvaranje ponuda što je konstatovano Zapisnikom sa otvaranja ponuda broj: 01-159-JN-6/23 LOT 3 od 30.11.2023. godine.

Komisija za javne nabavke je, na zatvorenoj sjednici, izvršila pregled i analizu dokumentacije priložene uz ponudu, u smislu njene validnosti u odnosu na postavljene uslove i zahtjeve iz tenderske dokumentacije.

Uvidom u pristiglu ponudu ponuđača „NEXIS“ d.o.o. Sarajevo Komisija je konstatovala da ponuđač nije dostavio Izjavu o ispunjenosti uslova iz člana 45. ZJN i Izjavu iz člana 52. ZJN u skladu sa predmetom postupka. Ponuđač je dostavio Izjave koje se odnose na nabavku „*računarske i elektroničke opreme u cilju realizacije projekta 1FUTURE*“, a predmet ove nabavke je laboratorijska oprema LOT 1 – LOT 3 u cilju realizacije projekta 1FUTURE, te u Izjavama, umjesto broja obavještenja: 795-1-1-100-3-127/23, naveo broj obavještenja: 795-1-99-3-128/23, koji se odnosi na drugi predmet nabavke iz čega proizilazi da Izjave nisu u skladu sa tenderskom dokumentacijom i predmetom ove nabavke.

Daljom analizom ponude ponuđača „NEXIS“ d.o.o. Sarajevo utvrđeno je da uz istu nije priložen sadržaj ponude/popis dostavljenih dokumenata, a što je zahtijevano tačkom 4.1.3) tenderske dokumentacije.

Obzirom da Izjave iz člana 45. ZJN i člana 52. ZJN ne glase na predmet ove nabavke, da je upisan pogrešan broj obavještenja o javnoj nabavci u datim izjavama i da ponuda ne sadrži popis dostavljenih dokumenata kako je zahtijevano, ova ponuda se odbacuje kao neprihvatljiva.

Slijedom prethodno navedenog, Komisija je jednoglasno predložila v.d. Direktor-u za ekonomske poslove da donese Odluku o poništenju postupka javne nabavke laboratorijske opreme – Instrument za mikroklimatska mjerenja u cilju realizacije projekta 1FUTURE (LOT 3) iz

razloga što primljena ponuda nije prihvatljiva, u skladu sa članom 69. stav (2) tačka d) ZJN kojim je definisano da je ugovorni organ dužan poništiti postupak javne nabavke u slučaju da nijedna od primljenih ponuda nije prihvatljiva.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, v.d. Direktor-a za ekonomske poslove Univerziteta odlučio je kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.



v.d. DIREKTOR
ZA EKONOMSKE POSLOVE

Dr.sc. Azira Osmanović, dipl.oec

DOSTAVITI:

- 1x učesniku
- 1x WEB portal
- 1x a/a